



CHRISTIAN EDUCATION MINISTRY OSANG

Mrs. R. Asenla Jamir, Christian Education Director

Intermediate III Evangelistic Camp 6th – 8th October anogo nung agia liasü. Iba camp nung tanur ajak agi 178 aser tesayur 18 den teyariteper 7 tashi arua aten. **“One True God”** Omen nung ajemdaker Speaker: Mr. Sadem Lemtur, Pastor Naga United Baptist Arogo ajanga session 5 nung Tsüngrem O lemsatöp aser Tetushi aser Tekülem: i/c Mr. Akangtemsü, Asso. Pastor, Chuchuyimlang Baptist Arogo Counsellors: Mr. Rongsenüklu & Mrs. Arenla Amri, Silas Counselling Center ajanga temoatsü nung agia liasü.

Sunday school nung küm 12 tashi angazüker Graduate masu dang iba Evangelistic Camp Intermediate nung Kümsembuba nung amener asoshi agütsür.



Children Creative Worship Oct. 2nd: “Amsem” Tazüngkünem 6:4-9 nung ajemdaker kiyong 8 aser sector 4 ajanga saya balala ajanga shilem agi. Iba tetoktepba nung takok angurtem.

- 1st Position : Signal CEM
- 2nd Position : Duncan CEM
- 3rd Position : Yinsem CEM
- 4th Position : Sümedem CEM
- 5th Position : Merali & Town

Tetendangertem:

Mr. Senti, Tesayur Golden Crown Music Academy
Mrs. Tiakala, Asso Pastor CEM, Aoyimti Ao Baptist Arogo
Mr. Kilangtemsü, NEZCC Young Artist award winner 2018



Editorial

■ Talimeren

Küm ana shi ogo, kü temang yiraa aser tepok alua akümba; oda ali leni apudaka alutsüji timtem tulu liasü. Ano tsüngsem aser moja asemstübaji oda temerenshi tulutiba ama ni ajangshi. Iba mapang kü mulungjang nung temang anepalutsüji kü sasa mulungteta tazüokba akatsüla ta jembi. Iba anogo nungi tenzüka chiyongtsü touzük kü den apet achitsü aser anepdang shia exercise agia temang anema alitsü ni mapa inyaktsü tenzük.

Adianutem, asenok tamangertem tanela jenjang kümüküm kümüküma alitsübaji tazüokba medeni kecha mesütem. Shi temang aser tanela anaprongla asoshi tazüokba nüngdaker. Tang benjongmong mongpu nung chiyongtsü tali achitsü asenok tendangtsü mapang tonga aruogo. Chiyongtsübo tali aser exercise-bo mali ta süra shi temang nung timtem adoktsü aser tanela lureptsü.

Temang anepaluba aser exercise agibaji mapang amajok nung indokba masü ta angatetdi. Ibai investment ka ama lir. Anema lira Tsüngrem asoshi mapa tuluba inyaktettsü.

“Mesüra nenok dak aliba Tanela Temeshi shiba nenoki Tsüngrem nungi agizük, nenok temangji pa tenla ki lir ta nenoki memetet no? Kechiyong jenjang talang agi nenok alizük, anungji nenok temang nung Tsüngrem sentsüwangshidakjang.” I Kor. 19-20.



WOMEN MINISTRY OSANG

Mrs. Moamongla, Asso. Pastor (W)

● DBWU

Dimapur Baptist Women Union pulpit melentepba sentong 4th October 2019 anogo Konyak Baptist Church Dimapur Women Ministry arua tetsür sentep kanga dang temoatsü ngua agiba osang lemsateper. Tsüngremi maneni Konyak Baptist Church Dimapur Women Ministry moajangma.

● Teintet Rogo

5th October 2019 Teintet Rogotem atema special sentong ka ayongzüka agia liasü. Toklang tenzükertem aser sentong nung shilem agirtem ajak dang pelaba Women Ministry ajanga lemsateper.

● Duranno Mothers' School

DABA nung mezüng Duranno Mothers' School takok ngua agiogo. 2018 küm DABA Women Ministry nungi lenir pezü (4) tashi 5th English Duranno Mothers' School, Malaysia nung tena liasü. 21st - 24th October 2019 DABA mezüng Duranno Mothers' School nung Theology azünger tetsütem parnok tertrok (16) tashi iba school nung takok ngua graduate süogo. Maneni iba school ajanga tetsütem aika temoatsü ngua agitettsü sarasadema atadi.



● Abigail Home

26th & 27th October 2019 Abigail Home nung alir hostelertem atema Retreat Sentong ka "To Develop Self Esteem" omen nung Dr. N. Moa Imsong, Counselor ajanga kanga temoatsü ngua agiogo. Arogopurtemi maneni parnok atema sarasadem nung yaritsü mepishir.



YOUTH MINISTRY OSANG

Miss Moarenla Longchar, DABAYM Secretary

1³th October 2019 nü DABA Youth Ministry ajanga Aoyim Baptist Arogo Lanurtem asoshi asentenshi sentong ka ayongzüka liasu. Aoyim lanurtem ajak agi 45 iba sentong nung aten. Wb. Joseph Longkumer, Youth Evangelist, Duncan Fellowship tongti O jembir liasü. Counsellors ana Wb. Wati T. Longchar, Youth Evangelist Town Fellowship aser Kr. Temsürenla, Youth Evangelist Signal Fellowship liasü. Tetushi aser Tekülem, DABAYM Praise & Worship Team aser Aoyim Lanurtem longjemmer agia liasü. Ken atenba ajanga aser taküm kuli lemsatepba ajanga lanurtem kanga temoatsü anguba osang lemsateper.



Aonokpu Arogo Semdangba Osang

Mr. Shiluti Longkumer, Arogo Secretary

A sen arogo nung toklang tenzüker yimtsüng arogotem mapang shia DABA-i semdanga odagi. Taküm küm Aonokpu Baptist Arogo 26th & 27th October 2019 anogo semdanga liasü. Mr. Limaaküm, Mission Director aser Mr. Shiluti Longkumer, Arogo Secretary tenadi anir Rev. Kika Jamir, Asso. Pastor, Mr. T. Sosang Longchar, Deacon aser youth nungi Mr. Imlichuba Liden, DABA YM President, Mr. Imlitemsü, Ms. Marnaro aser Ms. Jentysangla oa arogo ana longjemba sentong kanga temoatsü ngua agiogo. Aonokpu Baptist Arogo nungi Sannüker-i anir amangbapur ajaki Yisu Khrista temeim salem shiokba osang metetdaksür.

